
LE CHAPITRE DE HECAF,
contenant trente-cinq versets, escrit
à la Meque.

*Hecaf est une vallée au pays de Liemen sur les
frontières d'Arabie. Voy Getaldin, & le liure
intitulé Kytab el tenoir.*

AV nom de Dieu, clement & misericordieux.
Dieu est tres-prudent tres-sage. Ce liure a esté
enuoyé par le tout-Puissant & Sage. Nous auons
créé les Cieux & la Terre, & ce qui est entr' eux pour
signe de nostre vnité & de nostre toute-Puissance,
& auons ordonné à toute chose vn temps prefix & li-
mité. Si les infidelles s'esloignent de ce qu'on leur a
presché, Dis leur, auez-vous considéré les Idoles que
vous adorez, monstrez-moy ce qu'ils ont créé en
terre, sont-ils compagnons de Dieu en la creation
des Cieux? Apportez-moy vn liure enuoyé du Ciel
auparauant l'Alcoran, qui contienne comme luy ce
qui est resté de la doctrine de ceux qui nous ont pre-
cedés, nous verrons si vous estes veritables; qui est
plus deuoyé que celuy qui adore les choses qui ne
peuent pas exaucer ses prieres, ny le proteger au
iour du Iugement? Ce iour les infidelles seront en-
nemis les vns des autres, & les Idoles ne recognoi-

strom pas ceux qui les ont adorez. Lors qu'ils ont ouï lire l'Alcoran, ils ont dit qu'il contenoit la verité, & lors qu'on leur a ordonné de l'observer, ils ont dit que ce n'est que magie : Diront-ils que tu l'as controuvé ? Dis leur, si ie l'ay controuvé vous ne me pourrez pas deliurer de la punition de Dieu ; Il sçait tout ce qui est dans ce liure, c'est assez qu'il en soit tesmoin entre vous & moy, il est clement & misericordieux, Dis leur, ie ne suis pas le premier Prophete ny le premier Apostre que Dieu a enuoyé, ie ne sçais pas ce que Dieu ordonnera de vous & de moy, ie ne fais que ce qu'il m'a inspiré, & suis enuoyé pour prescher les tourmens de l'Enfer, avez vous considéré en quel estat vous serez si l'Alcoran est enuoyé de Dieu ? vous l'avez abjuré, mais vn des enfans d'Israël est tesmoin qu'il est enuoyé de la part de Dieu, & a crû en sa diuine Majesté, neantmoins vous estes deuenus orgueilleux, Dieu ne conduit pas les superbes. Les infidelles disent aux fides, si l'Alcoran estoit quelque bonne chose vous ne nous deuaneriez pas à l'observer, il ne vous conduira pas au chemin de salut, ce n'est qu'une vieille fable. Le liure de Moïse qui est venu deuant luy, enseigne le droit chemin & la volonté de Dieu ; Dis leur, l'Alcoran confirme les escritures cy-deuant enuoyées à ceux qui nous ont precedez, il est en l'ague Arabesque, il presche les peines de l'Enfer aux infidelles, & annonce les ioyes de Paradis aux gens de bien. Ceux qui croiront que Dieu est leur Seigneur, & luy obeiront, ne doiuent rien craindre,

ils ne ressentiront point d'affliction au iour du Jugement, ils iouyront du Paradis pour recompense de leurs bonnes œuures. Nous auons recommandé à l'homme d'honorer pere & mere, & de leur faire du bien, la mere le porte avec peine, elle accouche avec douleur, elle l'allaitte, & le sevre à trête mois, elle en a du soin iusques à ce qu'il soit en estat de se gouuerner & qu'il ait atteint l'aage de discretion; Alors il dit, Seigneur inspire moy d'estre recognoissant de la grace que tu as donnée à mon pere & à moy, si ie fais bien tu l'auras agreable, prends soin de ma lignée, ie me confie en toy & veux obeyr à tes commandemens : Leur priere sera exaucée, leurs pechez leur seront pardonnez, & iouyront des ioyes du Paradis preparé pour les gens de bien. Celuy qui parlera à son pere & à sa mere avec inciuilité, & leur dira par derision, me mettez vous encore vne fois au monde apres ma mort, me sortirez vous du tóbeau? plusieurs sont morts cy-deuant qui ne sont pas retournez. Il sera puny de Dieu, son pere & sa mere demanderont secours à sa diuine Majesté, & luy diront; mon enfant, le malheur est avec toy, croyez en Dieu, & en la resurreccion, la parole de Dieu est infallible; s'il respond que ce n'est qu'une vieille fable, il ressentira la punition de Dieu, la parole de sa diuine Majesté s'accomplira contre luy comme elle a esté accomplie contre ceux qui l'ont precedé dans l'impieté, tant des Demons que des hommes, ils seront damnez; ils seront en diuers degres de peines, il les chastiera
selon

selon leurs demerites, & ne leur fera point fait d'in-
 iustice. On dira aux meschans qui se voudront eilo-
 gner du feu d'Enfer, Vous auez chassé vostre bon-
 heur lors que vous viuiez dans le monde, on a diffe-
 ré vostre punition iusques à present, vous serez au-
 iourd'huy punis dedans ce feu à cause de vostre or-
 gueil & de vos crimes. Souuiens-toy du frere de Aad
 qui a presché les tourmens del'Enfer dans la vallée,
 d'Hecaf, ses paroles ont esté entenduës de son tēps, &
 sont arriüées à la posterité; à sçauoir, n'adorez qu'un
 seul Dieu, si vous faites autrement, i' apprehende pour
 vous le iour du iugement; ils luy ont respondu, es-
 tu venu pour nous empescher d'adorer nos Dieux,
 fais nous voir les peines que'tu nous presches si tu es
 veritable? Il a dit; Dieu sçait en quel temps il vous
 chastiera, ie vous presche ce qui m'a esté ordonné de
 vous prescher, mais ie voids que vous estes des opi-
 niastres; Lors qu'ils ont veu paroistre vne nuë noire
 qui'approchoit le lieu de leur habitation, ils ont dit;
 voicy vne nuë qui nous donnera de la pluye; Au con-
 traire, c'est la punition que vous auez demandée, elle
 est pleine d'un vent impetueux qui vous extermi-
 nera par le commandement de Dieu, le matin on
 a trouué les maisons vuides de leurs habitans;
 Ainsi Dieu; chastie les meschans; vous habitez les
 lieux qu'ils habitoient, ils auoient des cœurs, des
 yeux & des oreilles, mais leurs cœurs, leurs yeux, &
 leurs oreilles leur ont esté inutiles, le mal qu'ils ont
 mesprisé leur est arriüé lors qu'ils ont negligé d'ob-

seruer les commandemens de Dieu. Nous auons ruiné tout ce qui est à l'entour de la Meque, & auons fait paroistre les effets de nostre toute-Puissance, peut-estre que les habitans se conuertiront; Les Idoles qu'ils ont adoré, & ceux auxquels ils ont sacrifié, ne les ont pas sauuez, au contraire, il les ont abandonnez à cause de leurs blasphemes. Souuiens-toy que nous t'auons enuoyé des Demons qui vouloyét ouïr la lecture del'Alcoran, quand ils t'ont ouï, ils ont dit, Escoutez, il commence, & lors que tu as finy, ils s'en sont retournez avec vne tres-grande peur, & ont dit à leurs compagnons, nous auons ouï la lecture d'vn liure enuoyé du Ciel apres le liure de Moïse, il confirme les anciennes escritures, il enseigne la verité, & conduit le peuple au chemin de salut. O peuple, escoutez celuy qui vous appelle à la loy de Dieu, & à l'obseruance de ses commandemens, croyez-le, Dieu vous pardonnera vos pechez, & vous deliurera des peines de l'Enfer, ceux qui ne l'escouteront pas n'euiteront pas la punition de leurs crimes, & seront priuez de protection au iour du Iugement; telles gens sont deuoyez du chemin de salut, Ne considerent-ils pas que Dieu qui a créé le Ciel & la Terre n'a point eu de peine à les créer? qu'il peut donner la vie & la mort? & qu'il est tout Puissant? Souuiens-toy du iour que les infidelles se voudront esloigner du feu d'Enfer; On leur dira, les peines qu'on vous a presché, ne sont elles pas veritables? ils diront, ouï Seigneur; on leur dira, goustez donc les

tourmens que vous avez mérités par vostre impiété. Perseuere comme ont perseueré les Prophetes qui t'ont precedé, ne t'impatiente pas de voir la punition des infidelles, ils la verront lors qu'ils ressusciteront, & croiront n'auoir demeuré qu'vne heure dans leurs tombeaux. C'est ce que Dieu commande de prescher il n'exterminera que ceux qui desobeyront à ses commandemens.

*LE CHAPITRE DV COMBAT,
contenant quatre-vingts huit versets,
escrit à la Meque.*

AV nom de Dieu clement & misericordieux. Les bonnes œuures sont vaines & inutiles aux impies, & à ceux qui empeschent leur prochain de suiure la loy de Dieu, il pardonne les pechez à ceux qui croyent en ce que Mahomet a presché, c'est la verité mesme qui procede de sa diuine Majesté, mais les infidelles ont suiuy la vanité, & les fidelles ont embrassé la verité enuoyée de leur Seigneur, ainsi Dieu parle au peuple par parabole. Lors que vous récontrez les infidelles en temps de guerre, coupez-leur le col, tuez-les iusques à ce que vous les preniez prisonniers, alors, liez-les, apres ce où vous leur donnerez liberté, ou vous les mettrez à rançon, iusques à ce que leur party aye mis les armes bas. Si